

覺世正宗省心經

慎勿穢褻

癸集



259  
-----  
3150



訓世詩序

詩之爲言思也。人有所思。則托之詩以達其意。思有正有邪。詩卽有貞有淫。而錄以諷世。皆足以勸善而懲惡。故詩三百篇。可蔽以思無邪之一言。夫神亦人也。奚能無思。神何思。思訓世而已。本訓世而著爲詩。雖賦物寫景。皆有至理存焉。况其在維持風化者乎。今者諸眞垂訓。文章大備。而詩律尤多。意皆真切。體盡端莊。其忠厚惻怛之心。陳善閉邪之意。固與世之

6491

覺世正宗省心經  
賢人君子。閱時病俗者之所作。同一諷世之苦衷。集中僅錄百首。殊深割愛然。綱常倫理。莫不備矣。人情世故。莫不詳矣。則寥寥百首。奚啻千萬首也。今輯編已成。不可無序。余因取諸仙作詩之意。以著於篇首。使讀者知其志向云。  
咸豐八年歲次戊午九月十六日純陽弟子苗彥降筆

覺世正宗省心經卷十目錄

諸仙訓世詩

呂祖論降乩

其三

何姑論降乩

柳老仙師論降乩

又勸立節

鬼師謝大仙論冥報

其二

其四

其二

曹祖勸散俗

雷神青大仙勸從正

其二

文神林大仙凶年勸善

又因人被寇勸善

張祖勸老人為善

其二

呂祖戒淫

其二

其三

何姑戒處女淫

判官陸大仙戒淫

竈神周大仙和前韻

呂祖戒賭

其二

文神趙大仙戒賭

其二

呂祖戒鴉片煙

其二

其三

其四

何姑勸處女盡孝

柳仙現身勸孝

魯直黃大仙勸忠

其二

張仙師勸士

其二

其三

其四

其五

何姑論結親

其二

又勸處女除日拜親

其二

又戒抱轎

又戒八仙轎

又戒婦女降香

其二

生神洪大仙勸種子

李祖論壽數

丁祖戒求仙

其三

鍾離祖師戒問數

韓祖戒人子遠遊

藍祖戒養魚鳥

張仙師勸刊施善書

又勸遵行善書

呂祖勸立花局

其二

又論為師

又論文帝

關帝述懷

又論三國

精忠岳大仙述懷

其二

丐仙陳公勸恤乞丐

其二

柳仙贈土地姚大仙

文帝追贈扶乩人

呂祖贈扶乩人

其二

又贈子君曹公

其二

又贈衝霄曹公

其二

又贈正齋曹公

其二

又贈秋芬曹公

又贈曹家子弟

逍遙仙曹公訓士八首

又覺士二首

覺世正宗省心經卷之十

純陽弟子逍遙仙曹鵬齡校定

諸仙訓世詩

呂祖仙師論降乩

救劫諸仙奉

旨來。豈真容易立鸞臺。但求世界留明訓。非假文章展俊

才。宣化三秋心最苦。著書十卷理兼該。教施內外神

功偉。易俗移風亦妙哉。

又

純陽宣化淚沾襟。救劫常懷一片心。舉世欲留黃卷在。小仙敢住白雲深。九天跨鶴悲風月。千載飛鸞忘古今。明訓煌煌皆實跡。諸君不必復沉吟。

又

大劫早來人不知。刀兵瘟疫此何時。江山我欲金甌也。世界誰能木鐸之。幾處仙臺飛鳥篆。三秋心事付鸞箕。諸真開化衷何苦。為善格天果是誰。

又

左道紛紛奈我何。枉將邪說亂儒科。人間已作開心咒。世外長吟正氣歌。化雨未沾悲草木。狂瀾不息恨江河。尼山道統還應繼。奉

旨飛鸞話豈訛。

文昌帝君論降乩

諸仙有志理陰陽。開化羣生日日忙。苦意婆心誰解釋。真經寶誥自輝煌。訓垂三界悲塵世。功奏九天報

覺世正宗卷心經  
玉皇救劫機關知者少。可將此事問蒼蒼。

又

覺世衷懷等素王。周流四海衆仙忙。聖人憑理不言  
數。神道司陰兼攝陽。論語次章明孝弟。訓文數卷護  
綱常。乩臺權作尼山地。化雨春風此裏藏。

關聖帝君論降乩

回天挽數是英雄。開化塵凡第一功。明訓何殊頭上  
棒。良言莫作耳邊風。諸眞救劫情如見。盡日著書話

不窮。須識神仙安國計。全憑木筆効愚忠。  
又

不假飛鸞挽化工。人間大事幾乎窮。可傷俗子居心  
黑。致使諸仙落淚紅。鬼慘神悲千古恨。風頽俗靡萬  
方同。尼山至教還應振。木筆何殊木鐸功。  
何姑論降乩

宣化塵凡自古難。任他衆口妄譏彈。可憐俗子心空  
險。自覺小仙膽不寒。德行無人堪比鳳。江山普地欲



覺世正宗卷之九  
飛鸞文昌勸善今還在。高作九天第一官。

又  
諸仙訓世話喃喃。立法從來戒過嚴。計遠惟期神化  
普。心忙違恤俗人讒。惡風不改情難已。小弊無傷口  
亦緘。願效尼山施妙化。循循善誘啟塵凡。

柳老仙師論降乩

救劫純陽欲挽天。分身應化得真傳。兼承道統四千  
歲。獨立綱常億萬年。垂訓無非家國事。著書盡是聖

賢篇。鬼狐勸善猶當信。何況尊神與上仙。

曹祖仙師勸啟俗

世風日下慨如何。看到人情薄似羅。故舊多忘緣得  
志。鄉鄰不認爲登科。獨憐座上高朋滿。最怕門前貧  
友過。更有同胞情淡漠。些須小事動干戈。

又勸立節

勸君立志法關公。竝效尼山仲氏風。卓爾貞心同介  
石。沛然浩氣逼長虹。安民除暴胸襟大。仗義疎財眼

界空。世有何人能本色。端推勇士與英雄。  
雷神青大仙勸從正。妖白人興理顯然。勸君守正志當堅。山精得道皆仙  
佛。水子脫凡卽聖賢。頭上雷霆原可懼。心中規矩豈  
容偏。無邪一語傳千古。括盡毛詩三百篇。

鬼師謝大仙論冥報

薛玘

天道由來好往還。羣生誰識此機關。聖人度量能容  
海。佛祖慈悲欲活山。惡貫滿盈終有報。陰刑頃刻未

曾閒。重登覺路神心悅。立使閻羅解怒顏。

又

恢恢巨網是青天。福善禍淫獨赫然。陰律森嚴都實  
事。迷津超拔乃高賢。清風無影空皆色。明月有光缺  
復圓。滌慮洗心歸正果。何人不作大羅仙。  
文神林大仙凶年勸善

纔將不雨問皇天。天問蒼生何不賢。饑饉誰教成大  
劫。流離那得怨凶年。小人作亂行多暴。君子固窮節

愈堅。心地原來無惡歲。休因惡歲改心田。

又因人被寇勸善

品格誰如孔孟賢。一人不免遇顛連。在陳受厄能安命。於薛備兵總任天。慍色但聞仲氏見。戒心空有國君憐。窮通得失何嘗定。處世祇應順自然。

張祖仙師勸老人爲善

諱果

志定能教萬事成。立功何必計年庚。冬歸峻嶺松偏秀。秋到寒潭水更清。失足本當防末路。回頭端可趁

今生大人無別超凡處。祇是赤心不改更。

又

有志何愁日月惰。春秋遲暮見英豪。太公八十名方顯。衛武九旬品愈高。末路成功真烈士。晚年悔過豈凡曹。乾坤未老心長在。不愧人間走一遭。

呂祖仙師戒淫

傷心淫孽日茫茫。罪案如山惱彼蒼。一子醜聲傳四境。雙親血淚灑千行。人夫獨宿反成曠。我婦孤眠已

作孀妻女報還終不爽。風流冤債果誰償。

又

慧劍分明在眼前。要除花月舊姻緣。桑中淫女千秋刺。柳下貞男萬古傳。鄰婦莫窺真學士。倡門不到即神仙。茫茫孽海人多溺。跳出迷津別有天。

又

邪緣能絕是真修。莫使淫心半點留。未到倡門防失足。曾窺鄰女早回頭。志高方可登金榜。身潔直堪步

玉樓更勸閨中除妄念。好存貞節伴公侯。

何姑戒處女淫

閨中切戒看春宮。莫使琴心一點通。自絕良緣違月姥。陰虧貞節忤雷公。既為妻配多成妾。已許富家又嫁窮。列傳有名皆正女。露筋祠外弔清風。  
判官陸大仙戒淫

萬惡從來淫是端。到頭難望閻羅寬。犯姦常歎人心險。罹法頻教我鼻酸。有此邪緣招禍易。無他美事減

刑難。殿前每決風流案。捧册歛歛不忍看。  
竈神周大仙和前韻

淫孽茫茫誰造端。直教地府莫能寬。君陳冥律心何  
苦。我讀新詩鼻亦酸。遇色須防失足易。臨刑再想回  
頭難。風流大案何年絕。免使人神白眼看。

呂祖仙師戒賭

恨到人間賭者多。迷津不返可如何。牌場羣繞頻摩  
席。堡盒互傳似擲梭。典盡衣裳堪比鬼。賣來器具又

生魔。乞兒半是富家子。產業凋零豈有他。

又

堅心忌賭是英雄。悔過自新福靡窮。半世能遵良友  
訓。諸神不記舊家風。牌皮化作抄文紙。堡盒鎔成鑄  
鼎銅。果爾終身除惡業。門前定有榜花紅。

文神趙大仙戒賭

觀君切莫耍新正。去盡賭風致太平。年下鬼來勘善  
惡。案前神忌講輸贏。牌皮圓處馨香缺。堡盒重時俎

卷十訓世詩  
八  
豆輕除日本爲追遠節。宜將孝行說分明。

又

兒孫貪賭鬧元宵。致使祖宗心似燒。局內喧聲無斷續。案前香火忍蕭條。對天誓得雷霆咒。遍地種成福祿苗。能改前愆皆孝子。管教雲路坐逍遙。

呂祖仙師戒鴉片煙

鴉片吸來最取嫌。賭淫禍害此常兼。陽神久必離心竅。痲病直能到指尖。產業漸隨煙癮去。光陰難望海

籌添。喚夷留下迷人藥。爭奈中華作蜜甜。

又

傷心民害日層層。諸惡未除吸又增。使爾喪身真有驗。說他療病實無憑。人餐鴉片終何益。我食雞筋比此勝。幾輩沉酣形似鬼。眼前已備墓前燈。

又

明知鴉片害無邊。爭奈甘心故犯然。癮上頓教成大病。事忙猶忍學長眠。形銷骨立真如鬼。體弱身虛強

說仙精氣漸消陽又痿。吸煙幾輩絕香煙。

又

煙癮上時似木人。吸來立刻卽精神。提陽俗說原非假。療病虛言竟認真。明是虎餐偏入口。何殊鳩酒誤沾唇。可傷紫背金牛草。又到中華哄四民。何姑勸處女盡孝。

深閨當法木蘭風。有事服勞與子同。十歲教鍼愁女拙。幾番擇婿怕兒窮。弟兄習業遙村外。姊妹奉親密

室中靜處庭幃散。孝道他年方可事姑翁。

柳老仙師現身說孝

秋風颯颯樹皆黃。落葉歸根惹恨長。不是小仙隋白玉。能如孝子漢黃香。哺還暗慕酬恩鳥。乳跪頻思報德羊。枯柳陰中情自悼。千秋木本溯茫茫。魯直黃大仙勸忠

齊家治國理相通。移孝自然能作忠。居室允堪供子職。登朝雅可亮天工。順親獲上誠先立。資父事君敬

本同周道猶深將母願。皇華兼有蓼莪風。

又

大臣不與具臣同。以道事君自効忠。糾謬繩愆無惰志。持盈保泰有深衷。常爲家國培元氣。獨佐朝廷挽化工。治術原來根學術。居官依舊聖賢風。

張仙師勸士

純儒端不重才華。品行文章兩足誇。處世光明金有  
色。持身清潔玉無瑕。詩書忍作登科記。韋布願爲積

善家。長愛村居風味好。半耕半讀卽生涯。

又

讀書十載耐寒窗。孝弟真情不可降。德行果然惟第一。聲名自爾擅無雙。欲教文彩同麟鳳。莫壞天倫等豕彘。能作鄉村維化客。他年方可理家邦。

又

題名金榜古來多。曾有幾人到大羅。筆墨千秋才子弄。霓裳一日衆仙歌。占鰲佳士榮如此。跨鶴諸真樂



若何。普勸儒生除俗慮。好教天上早登科。

又

多修善果福綿綿。不獨爲官且作仙。蓬島能遊殊可快。桂花未折亦稱賢。占鰲才子空披錦。跨鶴神翁豈愛錢。金榜何如登玉榜。勸君當有好心田。

又

高車落落馬蕭蕭。司馬當年竟過橋。爭說文章成妙品。非關陰隲感重霄。那知前世爲仙客。故使今生奪

錦標。昔日若將淫女絕。還應蓬島樂逍遙。

何姑論結親

欲爲兒女計終身。兩姓豈容漫結親。琴瑟因緣雖有定。著龜卜筮不嫌煩。違心多是媒婆誤。繫足休將月姥瞋。須識婚媾千古事。半由天命半由人。

又

地處寒微須自尊。貧家休與富家婚。我看彼子如麟鳳。彼視我兒似犬豚。果爾同心無異志。縱然白屋勝

朱門結親宜有相親意。貌合情疏何足論。

又勸處女除日拜親

閨中盡孝福優優。除日如何不叩頭。千里結親爲女計。三年受苦與兒侔。祖宗一脈恩休忘。伯叔同門禮必周。新歲他人猶拜賀。我偏缺此獨何由。

又

堪笑閨中事事奇。于歸宛爾異前時。去年強項難稱子。此日叩頭竟作兒。女意向人真是也。親恩除日反

忘之。翁姑父母何分別。問到深宮亦自疑。

又戒抱轎

抱轎何年有此風。小仙多見獨關東。力輕欲放難鬆手。身重不勝強直躬。鵲室將居鳩性拙。豕牢誤墜馬車空。新人步走方爲雅。與到夫家踏席同。

又戒入仙轎

花轎兩邊八位仙。排來好似轎夫然。

玉皇有喜尙稱客。天子迎親不赴筵。世外逍遙真自得。人

覺世正宗卷之八  
間造作實堪憐。竝非爲俺爭名分。祇願紅塵惡俗捐。  
又戒婦女降香

婦女降香豈善圖。媚神諂鬼太糊塗。廟廊自古多妖  
物。僧道而今半匪徒。頭上青天惟父母。眼前活佛卽  
翁姑。陋風遍地從何起。起自人間作怪巫。

又  
幾輩妖巫肆妄談。頻教許願拜瞿曇。新妝跋涉山兼  
水。仄徑往來女雜男。神若有靈顏亦赧。人多無賴勢

難堪奉真朝斗皆虛渺。閨內何須供佛龕。  
生神洪大仙勸種子

無兒本是命安排。積善能教萬事諧。陰德千般增福  
祿。香煙百世慰心懷。燕居除卻從前惡。麟子生來分  
外佳。宋有王公會乏嗣。一門高揭狀元牌。  
李祖仙師論壽數

彼蒼福善本昭然。天壽還當任老天。莫謂遐齡無暴  
客。須知短命有高賢。兇人作孽生猶鬼。君子修身死

卽仙存歿原來皆定數。休將彭祖傲顏淵。

丁祖仙師戒求仙

求仙何事習丹經。拜斗原非對七星。但法聖人心守

素。立看佛祖眼垂青。讀書難必登高榜。得道豈皆享

大齡。培養性天真訣得。三魂七魄自通靈。

又

鍊丹化汞盡荒唐。欲步瀛洲有妙方。處世果能遵聖

教。升天自可列仙行。乘龍不必陽神好。跨鶴豈真帶

肉強。養我心田凡慮少。眼前卽是白雲鄉。

鍾離祖師戒問數

談數偶然亦自豪。豈真借此乞榮褒。人能知命心方

定。神不言天品愈高。炫異矜奇非聖學。安常處順乃

仙曹。吉凶理斷雖無驗。智慧何嘗損一毫。

韓祖仙師戒人子遠遊

親在遠遊計已非。况逢晚景迫庭幃。錢離子母蚨難

會。書斷家鄉雁自飛。白髮長悲千里別。赤心空抱幾

覺世正宗卷之五  
時歸送終大事君當念莫走天涯淚滿衣

藍祖仙師戒養魚鳥

放生一節值千金。愛物情深福亦深。佛祖慈悲皆善果。聖人鈞弋有仁心。池魚還想歸滄海。籠鳥常思投遠林。除盡殺機陰德厚。龍門虎榜任登臨。

張仙師勸刊施善書

河洛圖書出自然。仙經大洞結雲煙。重經刊刻天無力。廣爲印施衆有權。樂善指貲皆俊傑。附名壽世卽

神仙中人何德垂青史。陰騭文章姓氏傳。

又勸遵行善書

朝廷爭得化鄉閭。半賴仙家覺世書。直道猶存三代後。皇衷常合兩儀初。敬神莫若遵神訓。學聖何庸近聖居。口誦真經心作僞。刊施功德亦成虛。

呂祖仙師勸立花局

憫世衷懷似海深。種花一事也關心。每看兒女尸橫野。直使神仙淚滿襟。保赤愁無牛痘局。傳漿愛有象

牙簪人登壽域天公樂普救嬰孩百福臨。

又

嬰兒與我本無干。疾苦焉能袖手看。馬援傳花留大  
厄。牛漿免痘賽靈丹。術真端喜活人易。志定何愁立  
局難。訓世神仙皆憫世。也將此事寄飛鸞。

呂祖仙師論爲師

夫子循循善誘人。尼山設教妙如神。春風化雨全無  
着。聖域賢關並可臻。莞爾一言原是戲。野哉數語豈

輕瞋。三千佳士歡相聚。師弟何殊友與賓。

又論文帝

閱盡紅塵十七生。獨教歷代掌文衡。飛鸞救劫心何  
苦。垂訓牖民理最精。祿籍升沉由主宰。天曹善惡自  
分明。指揮如意和顏展。仍是一腔孝友情。

關帝述懷

當年三國屬英豪。斬賊猶嫌血污刀。赤面赤心終報  
漢。明來明去不降曹。威風暗使奸雄懼。義氣能容敗

將逃。廟享千秋成巨典。總緣護國有功勞。

又論三國

操不篡臣法不饒。孫吳亦屬漢臣僚。如何斯世論三國。卻以彼曹作正朝。不有紫陽真識見。應教赤帝絕宗祧。從茲統緒千秋定。魏賊蜀君萬古昭。

精忠岳大仙述懷

盼到黃龍酒欲斟。忽聞詔下淚沾襟。但愁威猛傷情重。那怕功高惹禍深。安國常存伊尹志。諫君空有比干心。身亡何必怨奸相。底是蒼天不滅金。

又

極目沙場萬里寬。烽煙未息發長歎。枕戈臥處雄心在。殺敵酣時退步難。劍氣遙冲南斗暗。刀光遠襲北風寒。當年不作封侯想。祇願江山得太安。

丐仙陳公勸恤乞丐

貧若丐人已到頭。無家無室獨清幽。四方餬口何嘗飽。一飯蒙恩不忘酬。杖影倚來身欲仆。簫聲吹處淚

覺世正宗卷心經  
交流可嗟多少富豪輩。不顧街前叫斷喉。

又  
道路奔波淚似泉。飢寒迫體少人憐。半筐冷飯餐三日。一件敝衣服十年。謀及稻梁空有願。拾來絲縷未曾捐。傷心不若富家犬。猶得安然臥戶前。

柳仙贈土地姚大仙

生爲孝子死爲神。無限傷心乩下陳。昔日銘旌延歲月。今宵血淚泣星辰。飛鸞數語傳千古。痛母一詩警

四鄰。料想此村留不住。升仙籍上註頻頻。

文昌帝君追贈扶乩人

當年乩筆降長洲。善士端推彭定求。指點靜中參妙訣。心懷隨處悟清修。賜他慧眼觀天地。假彼仙身拜冕旒。此日英靈還未沒。故鄉垂訓話悠悠。

呂祖仙師贈扶乩人

假手運箕豈偶然。人神相會有因緣。今生自作扶鸞客。去世應爲跨鶴仙。助我文章成十卷。遲君科第竟



三年萬般數裏安排定。此內機關可問天。

不是阻君拜九重。乩臺天假此遭逢。學高自可攀丹桂。善大還須會赤松。博覽真經開眼界。直教列宿貫心胸。他年有意尋仙侶。端認蓬萊第一峯。

又贈子君曹公

公名中時。字子君。號元堂。文神聲遠。公次子爲人老成寬仁。有長者風。年六十猶有志爲善。故余贈

以詩。

歲月茫茫老此生。誰知大器晚來成。催人白髮頻相逼。守我赤心獨未更。天上有名能赫赫。世間何事更營營。年衰那得心猶壯。端喜爾翁異庶氓。品詣心田細勘求。爾翁畢竟異凡傳。活人仁術承先業。讀我真經勵晚修。齒重德隆誠大老。年衰志壯亦奇叟。純陽苦未逢知己。青眼於今上白頭。

又贈衝霄曹公

公名中元。又名步雲。字衝霄。號平峯。聲遠公三子。爲人光明正大。仁慈威嚴。有其父風。年五十而勤修不怠。故余贈以詩。

晚景猶思峻節操。先生品詣異凡曹。恢恢度量江湖闊。朗朗胸懷日月高。大父九天欣汝德。令郎三載代吾勞。純陽嬾與紅塵話。佳士相逢意轉豪。

又

品詣如君不可尋。紅塵落落一知音。諸仙旦夕垂青眼。三載工夫鍊赤心。德器潤溫堪比玉。聲名鄭重乃如金。先生夙與純陽友。此日笑談情倍深。

又贈正齋曹公

公名中立。字正齋。號北海。聲遠公幼子。爲人溫恭仁慈。素有善人名。聽余訓語。未嘗不欣然悅服。故

余贈以詩。

先生修德意兢兢。乃爾溫恭我未能。北海當年稱雅

士東萊此日得高朋。衷懷豁達春風暖。志慮深沉秋水澄。素有善人名譽廣。衆論細勘豈無憑。

又

馳譽人間未足奇。善心端喜上天知。憐君欲向春風坐。愧我偏無化雨施。千載盛名輝日月。一生大德屬仁慈。於今不作凡庸想。世外何年得見之。

又贈秋芬曹公

公名桂齡。字秋芬。號靜軒。聲遠。公長孫。父中和。公

早世。公爲人公正謙讓。敬長慈幼。不愧爲曹氏宗子。故余贈以詩。

孰謂先生行頗迂。端方本是聖門儒。持身謙讓真君子。處世公平大丈夫。懷內硜硜藏介石。胸中朗朗揭明珠。聲名此日諸天重。金闕他年任步趨。又贈曹家子弟

曹家子弟共十人。長桂齡。次松齡。栢齡。鵬齡。椿齡。鶴齡。岱齡。汝齡。文齡。長齡。桂松。岱中和。公子栢。汝

中時公子鵬鶴文長。中元公子椿中立公子皆忠厚。老成有先人風。余降乩其家聽訓三載。未嘗有倦志。余因集十人名成一詩以贈之。

桂枝數倍竇家郎。松柏森森秀一堂。萬里鵬程齊欲步。四株椿樹老何妨。鶴鸞結侶成高會。嵩岱鍾靈洩此鄉。汝祖訓文能佩服。管教世澤百年長。

逍遙仙曹公訓士八首

聖賢道德可修爲。士子勤修莫自遲。立志惟堅終有獲。此心自古貴操持。

其二

工夫不可廢中途。大道在前任步趨。但識聖賢真正路。便教勇進復何虞。

其三

士子莫希禪氏宗。須知釋學總爲空。自來心性非虛渺。太極生人萬事通。

其四

事理充然足一心。聖賢學問在誠身。而今寂滅求真道。斯道其於何處存。

其五  
修身克己是真儒。徒事文章聖學殊。歧路競趨真可嘆。一生安自費工夫。

其六  
文章本是道之光。道德充中文自彰。斯道未明心罔覺。憑教何地出文章。

其七  
理氣合來成此心。聖賢知覺亦猶人。祇因氣有昏明異。遂使智愚賢否分。

其八  
受得氣昏莫自嗟。人生幸有好年華。修身明理工夫到。德似聖人豈或差。

入詩一意相貫。首言士當學聖賢。次言要認得真正路三字。開下四首。三四言異端非真正路。五

六言俗儒非真正路。真正路總在道德仁義也。七  
言人爲氣拘物蔽。所以不能人人爲聖賢。末言雖  
有拘蔽。若勤修不怠。自能與聖賢爲一。

又覺士二首

慨矣於今聖教衰。儒生所學祇文辭。士風日下何如  
是。天爵不修竟若斯。率此迷津人盡醉。舍其正路世  
全癡。伊誰喚醒悖悖也。先覺生來未有期。

其二

何年大夢可醒哉。人盡昏昏實可哀。自古俗儒隨處  
有。而今先覺幾時來。道將墜地誰扶起。文欲喪天孰  
挽回。世教日衰堪悼也。豈真斯世少英才。

總批

詩者所以理性情也。人各具夫性。而不能必性之不移於習。人各有夫情。而不能必情之不失其和。所貴者。有以陶淑其性情而已矣。今諸仙是詩。本其溫柔敦厚之旨。發為中正和平之音。意洽人心。句成天籟。其入人也為最深。其感人也為尤速。蓋所謂陶性淑情者。莫善於此。世之讀是詩者。借口誦心。維之力。與好善惡惡之思。咏嘆淫泆。廣播流傳。陶淑一己之性。

情並有以陶淑天下之性情於以維世道挽人心無非詩之為也豈不美哉

其人人心以為是將其想人純陽弟子李雙識

嬉笑之自發為中五味平之音意欲人心同如天爵  
香育以剛雖其卦辭而曰矣今前山景語本其盛委  
多飲昔人亦有夫對而不增必辭之不夫其味似貴  
持香也以其野世辭以入谷具夫對而不增必辭之不  
懸其

覺世正宗省心經跋

歷觀古聖賢書所以留傳於後世者莫不為世道人心計也故千五百年之後雖聖人重生猶賴有聖人之書在觀其書如觀聖人聆其訓如親聖人然而聖人雖不世出有五經即可以維持世道有四書即可以化理人心苟非四書五經斯世之不流於禽獸者幾希矣夫聖人之書又豈可一日無哉聖人之教又豈可一日亡哉夫聖教之賴以不絕者幸有書在幸



有聖人之書在。是書之有。裨於世道者深矣。是書之有益於人心者久矣。是聖人心切於世道。人心者良殷矣。然而降自後世。風俗日偷。虞書堯典。只可望之明理之儒。而賢傳聖經。原難期於無知之子。是故有感應篇。陰騭文。覺世經之著也。談因果。舉報應。莫不爲愚人說法也。善則勵之。惡則懲之。神聖之用心亦良深矣。神聖垂訓之心。卽孔孟著書之心也。舉聖經以合神訓。有一句不爲世道人心計者乎。奈何冥頑

罔覺。見如未見。聞如未聞。典誥論語。不但不能望夫庸愚。而竝且明理之儒。亦視爲老生常談耳。嗚呼。此世道之所以危也。此人心之所由壞也。此神聖之不得不降。乩也。鳥獸不可與同羣。滔滔天下。神不與易。而誰易乎。所以著書覺世者。莫不本聖道以述聖教。此覺世正宗之所由著也。夫指迷者之謂覺。普天者之謂世。不偏者之謂正。可法者之謂宗。有世在卽有擾世者。在世豈易言覺乎。覺之云何。有如五夜夢酣。

聆夫鐘焉。有宗者。卽有不堪宗者。宗豈易言正乎。正之云何。有如射矢。中夫鵠焉。若然。世之覺不易也。宗之正。尤不易也。覺世者。爲臣者。覺之以忠。爲子者。覺之以孝。爲弟者。覺之以悌。舉凡天下。莫不覺之以道也。正宗者。爲君者。正之以仁。爲父者。正之以慈。爲兄者。正之以友。公諸四海。莫不正之以義也。有覺者。卽有不覺者。世可不知所覺乎。有宗者。卽有不可宗者。宗可不審所正乎。此覺世正宗之所由著也。此覺世

正宗之所由來也。此所以合乎古聖賢書。同一維持世道人心計也。此所以神聖降乩之心。爲孔子孟著書之心也。序於前者。降自金州。跋在後者。垂於牛莊。著是書者。孚佑帝君也。跋是書者。表儀丁聖也。今欲付梓。故將覺世正宗緣由。誌諸卷末。於世道人心。未必不無小警云爾。

皆

同治元年歲次壬戌八月二十日協辦牛莊慈雲壇

覺世正宗省小經 卷十 三  
開化事務表儀丁聖降筆於太和齋

不無小善... 宗之... 覺世正宗省小經 卷十 三

覺世正宗省小經續纂卷末

同治甲戌年八月初四日

宏教真君柳諱圭書立志業儒子弟只宜兀坐書齋莫

交匪類習驕奢切忌俗情狂態謙讓溫良德性高

明磊落襟懷總在窗前把頭埋萬里鵬程風快

八月十四日

停雲子倪諱宗寬錄務本首業農畝桑麻五穀勤栽不

宜無事走村街輕易典物揭債勿聚親朋酌酒休

賢世正身卷八終  
爭官訟傷財。茅簷草舍樂情懷。誠守家園常在。

八月二十四日本首業農。桑柘正綠。謹錄不

士祇袁諱芷通。凡做百工技藝。須要儘力安排。不可

巧計使心歪。暗把他人算害。若是放些手段。自然

多覓錢財。那時廣招運通來。到處好人相待。

九月四日立志業。千策只宜正。坐書齋。莫

王仙諱相。書爲利離鄉作客。豈宜久住天涯。親衰妻少

子嬰孩。事更多生意外。勿戀江湖風景。休迷柳陌

花街。蠅頭覓得便回家。免使家中盼睐。

九月十四日

關聖大帝題欲要親心安樂。必須子道辛勤。代其勞苦

順其情。侍俸晨昏定省。立志欲圖上達。揚名无忝

所生。盡吾孝養。竭吾誠。孺慕終身愛敬。其守節。德何

九月二十四日

文昌帝君筆卑幼分當敬長。隨行隅坐謙恭。少儀曲禮

儘堪從。豈得妄爲輕動。外則遜於鄉黨。內則善事

其兄怡怡和悅友于風者。碩更宜崇奉。

十月初四日

漢諸葛武侯**題**立志分毫不苟。自然鬼伏神欽。些微不  
染志高明。如水一泓。清正。畫粥勿更其守。筆瓢何  
陋於心。夜闌不納。四知金。至今留傳名姓。

十月十四日

司事濟佛**題**處事持身有道。當存羞惡真心。覩然人面  
豈成人。幽獨宜防衾影。切慎虛心無辱。狂求終是

難行。任他宦從與名門。失節誰人欽敬。

十月二十四日

張仙諱**果****題**縱酒何曾有益。貪杯終是多傷。東歪西倒  
飲人狂。倚醉出言無狀。形似瘋魔。仗病性如鐵刃。  
添鋼。處事無端。一時強。難免身家傾喪。

十一月初四日

曹仙用**萬****題**雨意綢繆終損。雲情淡薄何妨。惜身重命  
遠蘭房。一世少沾災恙。勤戀駸駸染疾。玉肌漸漸

蒼黃孤寢獨眠是良方。神全精滿氣壯。

十一月十四日

李仙鐵拐題義利由來相反。貪廉誰是高強。朝盤暮算。使心腸都是精思幻想。富貴窮通有命。興衰得失無常。財多德喪豈爲良身。死會何受享。

十一月二十四日

藍仙采和題不忍一時有禍。能容萬事無憂。任他橫逆。莫尋仇。可保身家無咎。但得寬閒自在。不須急躁。

拚投平心和氣量悠悠。福海壽山長久。

十二月初四日

許真人諱彛題富貴窮通有命。興衰成敗憑天。何須晝夜苦憂煎。凡事豈由人算。不伎不求安分。無驕無諂。隨緣百計千般。總徒然。那得絲毫增減。

十二月十四日

韓仙清夫題莫謂久淹樞下。自然得遇孫陽。放寬度量。過時光。英傑慣多磨障。家業未成勿急。功名遲就。

休忙。暫受折挫亦無妨。否極泰來有旺。忘此今數  
十二月二十四日

何仙姑題看恨世情險薄。不思天道公平。陰謀詭計害  
他人。味已瞞心取勝。縱使現時得意。難欺三尺神  
明。到頭善惡自然分。遠近自當報應。

光緒元年正月初四日

孫真人諱溪題形體雖分爾我。賢愚同此心腸。他如謗  
我。恨難當。我謗他時一樣。推已及人是恕。饒人責

已何妨。五衷不壞壽綿長。培種兒孫興旺。

正月十四日

土祇孔諱雲題苦與兒孫掙業。大虧自己因陰。馬牛筋

骨。虎狼心。難免旁人談論。常把孤窮刻剝。每將愚

懦欺凌。總然興旺易凋凌。豈能永久受用。

正月二十四日

葛真人題若要後昆賢達。還須處事公平。一絲一粟莫  
欺心。隨地隨時自省。富貴存心自厚。貧迫交徵分

明寸衷不愧鬼神欽。德蔭子賢孫順。

二月初四日

純佑帝君題。幹事莫存奸詐。侍人須用真誠。開心露胆。訴衷情。言出人人傾信。若是花言巧語。終朝昧已。欺人。百般遮掩。一無成。空作充饑畫餅。

二月十四日

忠親王僧諱格林沁題。四海莫非王命。萬民俱是人臣。一絲一粟。盡君恩。食德服疇。何幸。租入先輸國課。

時乖莫論朝廷。華封三祝古來聞。應念天王明聖。

二月二十四日

林瘟神書。子孝當如執玉父。慈何在遺金。

昊天罔極報親恩。夙夜無違庭訓。竭力兼供甘旨。逮時

謀荐雞豚。承歡堂上。豈常存。莫待後來悔恨。

三月初四日

張司命題。伉儷渾如鴛偶。何堪反目相爭。妻言有理亦。須從。夫縱高聲勿論。莫爲微嫌計較。徒傷結髮恩。



情婦隨夫唱樂和平舉案齊眉相敬

三月十四日

設壇弟子董和圖故後入壇書

方便人間第一當權更要留心存亡生死霎時分念  
念須懷言慎。若要積些陰德自然福慶盈門扶危  
濟困得賢聲富貴實因德蔭

三月二十四日

李司命題積善不求人見存心有奏天知常憐鰥寡救  
艱危元宣自有得種

上帝生來好善

昊天原是无私子孫高貴顯門閭自然彰彰應此

四月初四日

哈嚙佛題簧鼓無稽何益只宜守口如瓶息心靜氣語

和平恕里親朋皆敬重厚功名易就浮囂終業難

成輕言狂語侮他人有傷自己福運

四月十四日

濟徒題佔盡便宜有報吃虧到底何妨恃才使氣早身

覺世正宗卷八終  
七  
亡能忍終居人上。項氏強梁失位。劉家大度爲王。  
齒剛易折禮之常。舌軟長存無恙。

四月二十四日

東嶽天齊大帝題。循理朝朝安樂。營私日日擔憂。有時  
敗露被人羞。何不當初謹守。財帛生成分定。贏餘  
不在多求。兢兢業業永無愁。陰陽刑法不受。

五月初四日

科神蕭諱何題。勿爲一言半語。負施百計千般。爭田奪

地好商量。處世還須縱讓。架捏佯詞宜准。招誣大  
罪難當。費錢費力費時光。凡事和忍爲上。

五月十四日

科神曹諱參題。一應爲官吏役。衙內卽好修行。含冤負

屈小貧民。方便救他殘命。酬謝莫較多寡。欣然惠  
納休爭。勝似念佛與齋僧。此係積德盈慶。

五月二十日

孚佑帝君詩省心一部汝愿心。爲化世間學善人。好事

覺世正宗卷心經  
中逢多磨障。却是不善無根行。

五月二十四日

趙文神題周急何須繼富。扶危出自真心。見人困阨若身親。百計千方救拯。早後雨爲厚澤。病中盤是更生。種些陰德與兒孫。勝買良田萬頃。

六月初四日

姚闍羅天子題方寸地中種德。九重天生春蔭。古來果報有馮君。子中三元極品。作善可綿世澤。存仁堪

振家聲。世間禍福原無門。心乃窮通之本。

六月十四日

鬼師謝仙諱玃書血氣方剛壯士。不宜恃力凌人。一言不合怒相爭。失守傷伊性命。須忍一時忿激。免得後來憂心從寬。又忍柰何妨。定有奇興傲幸。

六月二十四日

姚書先苦後甜易過。先甜後苦難當。少年切莫樂徜徉。努力早思勤創。人向善交有益。家從儉起綿長。只

覺世正宗卷心經  
圖眼下樂安康。難免後來業障。

七月初四日

周皂君題財勢不相誇耀。微嫌更莫苛求。情投意合兩  
綢繆。正是恩深耐久。宜學朱陳洽好。勿如吳越尋  
求。歲時饋問兩無休。庶免參商外酉。

七月十四日

洪仙題口腹肥甘有限。傷生害命無窮。物性怕死與人  
同。宛轉刀砧哀痛。漫說烹庖得法。休誇滋味鮮濃。

養親宴客饌須豐。只恐寃深孽重。

七月二十四日

陸判官書鄉宦欲高聲價。休言屏迹公門。不公不法合  
申明。方是逐邪崇正。非但維持鄉曲。亦能報達朝  
廷。鄉賢詞內列芳名。乃因蔭果德行。

八月初四日

了仙題自重方能上達。已輕到底卑微。性情浮躁失威  
儀。豈是有成之器。一舉常防失足。三年始得高飛。

存些厚道最便宜。遠近人皆敬你。

八月十四日

河南城隍任題縱慾易能致病。清心何至招殃。朝暝暮  
醉要隄防。却病全憑內養。當時無傷饑飽。順時檢  
點衣裳。嚴寒酷暑。慎行藏。永保身體無恙。

八月二十四日

倪再書。比上雖然不足。算來亦是有餘。欲求富貴在何  
時。只得公公耐久。得飽何妨淡飯。禦寒還是粗衣。

展開懷抱樂讀書。後來德因有歎。

九月初四日

停雲子再書。婚事隨家豐儉。論財末俗澆風。賢哉孟氏  
嫁梁鴻。不論貲粧輕重。菲禮亦堪笑納。憑媒便可  
相從。朱陳締好一村中。配匹和鳴鸞鳳。

九月十四日

精忠大帥岳夫子題俊傑宜知時務。明人愛納良言。窮  
通得失是前緣。命定生成難換。終夜精思無益。崇

朝妄想徒然。忘食廢寢病來纏。耗散精神何幹。

光緒二年五月二十日

侍壇弟子信圖子  
吳其鎮題

世間最難為家園。爭名爭利不一般。有為爭名失足  
脚。有為求利喪黃泉。余勸世人學學善。臨死易脫五  
殿前。

光緒四年五月十四日

侍壇弟子尋圖子  
吳彬沐洗泥首

孚佑帝命來壇。原為訴說衷懷。秉公直修蓋廟堂。呂祖  
供安仙台。設壇排禱籤支。愿救一方羣災。吾生時

常怨嗷嗷。今蓬萊多踏在。

光緒五年四月十四日

侍壇弟子柔圖子  
吳家鰲書

柔圖子到壇台。囚地府苦難挨。實因生時性情乖。招  
出冥間禍來。今日有諸仙裁。方能望見兄哉。看其  
世實有功德。以免受諸苦賴。

光緒巳卯年夏月誼雲壇敬刊

夫覺世正宗一書出自

盛京慈雲壇今添省心經三字係京都誼雲壇續加名

曰覺世正宗省心經茲欲廣傳各省畧序始末俾讀

者得悉細蘊竊謂孔聖人詩書於孝悌忠信禮義廉

恥修身齊家治國安天下之道文至義盡而又有覺

世正宗省心經書何謂不獨庸人目為多事即僕亦

云帝聖仙佛在蓬萊仙島西方極樂何等清淨日與

凡夫俗子會晤甚無謂焉爾既知之何又刊刻是自

*[Faint bleed-through text from the reverse side of the page, including characters like '今日有請山', '未圖平陸', and '大德正至']*

相矛盾耶。今將僕之生平詳細述之。僕幼棄詩書。中年困苦。以至傭筆吏曹。然家道艱難。不得不藉此以為餬口之計。遂將功名富貴全行撇開。以及疾病生死。俱付之度外。反覺心逸氣平。閒暇之餘。將家中善書熟讀一再。痛矣恨往日所為皆惡。所有命運坎坷之處。係由自召。與造命者無涉。始改過自新。立定腳根。心學善人。得悟善書與人間。其功大矣哉。緣世間上智人少。下愚人多。詩書儘能化導上智之人。下愚

之人。多有不解其意者。至於善書說因果說地獄說報應說證據。百般開導。並指點何者為忠。何者為奸。何者為孝。何者為不肖。以及節義廉恥等事。均一一分割清楚。毋論上智下愚。婦人孺子。均可知其義焉。真所謂保護聖道而作也。甚至有讀善書。觀其語切之際。不覺失聲痛哭流涕者。蓋悲其往日之非。歎恨知機不早。從此改過誓為善人君子。至死不肯為損人壞德之事者。多多矣。僕之由惡改入善途。皆善書



259  
3150

之力也。茲普勸世人。家中須留善書一二種。以貽子孫。勝遺家資萬貫。並勸教讀君子。須令學生讀其善書一二種。俾使其少壯之時。不損德。不刻薄。其教讀者之子孫。有不興旺者。僕願入地獄。以為謊言者戒。

弟子呈圖子敬識

